

CONTENIDO

1. Comision Fiho di Enseñansa

2. Centro di Cuido di Mucha:

- Workshop Grant Thortnton
- Registro Nacional
- Sesionnan di Kibra cabs

4. Codigo di Proteccion

5. Intervencion Trempan

6. Informacion Adicional



Departamento
di Mucha y Hoben



Ministerio di Husticia
y Asuntonan Social



BOLETIN INFORMATIVO #2



Juni 2023, Edicion 2

Presentacion di DMH na: Comision Fiho di Enseñansa di Parlamento di Aruba

Recientemente DMH conhuntamente cu Stan van Haaren di UNICEF NL a presenta e trabounan realisa pa Departamento di Mucha y Hoben den su totalidad na Comision Fiho di Enseñansa di Parlamento. Durante e presentacion DMH a presenta den linea grandi tur e trabounan haci, relaciona cu LV Kinderopvang/Centro di Cuido di Mucha, Lbham Codigo di Proteccion y tambe Intervencion Trempan.

Mester enfatisa cu e presentacion a bay den un ambiente hopi ameno, agradabel y sigur cu hopi interes di e parlamentarionan presente, specialmente e parti di acumulacion di data y metodo di evaluacion.

Tur e trabounan aki ta duna ehecucion efectivo y eficiente di e Tratado Internacional di Derecho di Mucha, di cual Aruba, como pais, a ratifica for di 2001. DMH ta asumi varios responsabilidad pa na un forma mas completo y holistico posibel, salvaguardia y protega e derechonan di mucha mediante di maneho nacional, ley y acercamento profesional diferente articulo describi den e Tratado aki.

Finalmente por bisa, cu comision completo a keda sorprendi y impresiona cu tur e trabounan realisa pa un grupo di profesional chikito, pero cu a demostra dedicacion, motivacion y vision pa brinda un mihor estructura y maneho sostenibel y duradero pa bienestar general di nos muchanan.



2. Centro di Cuido di Mucha



Workshop Grant Thornton

Pa loke ta e ultimo 3 lunanan pa cu Centro di Cuido di Mucha, DMH a logra 'partner up' cu Grant Thornton, pa brinda e Centronan di Cuido di Mucha un workshop completamente gratis, basa riba e topico di impuesto na Aruba pa empresario chikito.

E workshop aki tabata a base di peticion di e Centronan di Cuido mes, den relacion cu e peticion oficial na DMH pa haya nan permiso di operacion y tambe pa tin cierto conocimiento specifico relaciona cu e topico di impuesto y ta un empresario na Aruba.

E topiconan cu Grant Thornton a presenta tabata; e tipo di 'rechtsvorm' y kico ta nan bentaha- y desbentahanan relaciona cu impuesto; inkomstenbelasting (bentaha y desbentaha) y herment pa yena 'aangifte'; winstbelasting (bentaha y desbentaha) y herment pa yena aangifte; informacion relevante tocante BBO/BAZV/BAVP como empresario; e cambionan den belastingstelsel desde januari 2023 y cumplimiento cu impuesto y deadlines (compliance).

Riba e dos diasabranan aki, a conta cu presencia total di 45 Centro di Cuido di Mucha (42%). Durante e workshop aki, cu a dura total 3 ora, e cabesantenan a haya hopi informacion valioso riba e diferente 'rechtsvormen', como tambe a repasa e yenamento di inkomstenbelasting y a enfoca tambe riba e cambionan fiscal relevante cu tin, pa loke ta trata impuesto na Aruba.



Departamento di Mucha y Hoben (DMH) kier gradici e profesionalnan; Melina Rangel, Emily Maduro y Lance Henriquez di Grant Thornton, pa nan excelente presentacion y splicacion, cu sigur a contribui grandemente na e conocimiento di e cabesantenan di e Centronan di Cuido di Mucha na Aruba.



Registracion Nacional

Loke ta trata e registro nacional di Centro di Cuido di Mucha, DMH a ricibi un total di 88 Centro di Cuido Di Mucha cu a registra. DMH ta contento cu esaki y ya caba a presenta tur e cantidad aki na e.o. Minister di Husticia y Asuntonan Social.

DMH ta trahando duro pa loke ta inventarisa e documentonan ricibi, pa asina por tin un bista mas exacto di cua Centro di Cuido di Mucha, falta cua documento pa entrega. E inventarisacion aki ta uno cu ta tuma su tempo y asina cu DMH tin esaki cla, lo informa cada Centro debidamente. E proceso di implementacion di e ley, tambe ta den su fase final y DMH lo keda informa di esaki, manera esaki drenta na vigor.



Dos Sesion di Kibra Cabes Exitoso

Den luna di mei, DMH a tene dos (2) atardi hopi productivo cu e maestronan y/of cabesantenan di e scolnan preparatorio (kleuterscholen) di DPS, SKOA y SPCOA na e cantina di JFK.

Durante e atardinan aki a dialoga (tocante di) y inventarisa nan experiencia, experticio y conocimiento, inventarisa e caracteristicanan cu e muchanan rond di 4 aña mester/ta domina, basa riba e 5 areanan di desaroyo, ora nan drenta scol preparatorio/primario. E 5 areanan di desaroyo di mucha ta e areanan cognitivo, social emocional, adaptivo, fisico y comunicativo.



DESDE 1 OCTOBER 2022, DMH A BIRA UN DEPARTAMENTO GUBERNAMENTAL OFICIAL.
NA JANUARI 2023 A START CU E PROME REGISTRO NACIONAL DI CENTRONAN DI CUIDO DI MUCHA NA ARUBA. AKI TA INDICA SITUACION ACTUAL:



REGISTRACION NACIONAL

E 88 centronan cu a registra te cu 31 di maart 2023, for di 109 centro cu ta activo.



FALTA PA REGISTRA

E 21 centronan cu falta ainda pa registra di 109 centro cu ta activo.

2020-2023:

A confirma un total di 13 centro di cuido di mucha cu a sera y esaki ta pa diferente motibo; COVID-19, motibo personal cu no ta relaciona cu e implementacion di e Ley KOPV.



Tambe a tene un encuesta bou di e grupo aki pa por midi e sistema cu tin actual di traspaso y puntra tambe kico ta e situacion ideal pa cu 'warme overdracht' di Centro di Cuido di Mucha na e scol preparatorio (kleuterschool).



3. Codigo di Proteccion ta inspirando y canando su pasonan

E proceso di implementacion di e ley di Codigo di Proteccion, sigur tabata tin su retonan, pero ya casi ta yegando su etapa final pa entrega e protocolnan CdP di cada instancia den e 4 sectornan. DMH ta percurando pa haci e ultimo inventarisacionnan di e situacion actual, pa asina tin un bista mas amplio y concreto.

E inventarisacion ta encera; un update nobo di tur instancia cu a entrega nan protocol y tambe con e rol di Supervisor di Codigo, ta ehecuta activamente. Tabata tin algun instancia cu a enfrenta algun reto y no a logra keda cla ainda, a pesar di ta den e trayecto for di 2020/2021, pero DMH ta trahando cu nan, pa asina tur cumpli cu e **deadline di 30 di juni 2023**. Pa cualkier pregunta y/of sosten, semper por acerca colega Efraim Suurendonk of Jullie-AnnThodé, cu sigur semper ta cla pa asisti bos.



SITUACION ACTUAL DI CODIGO				
Sector	Instancia	Supervisor di Codigo	Trainer	Protocol
Social <small>IBISA, Scouting, Fundacion, AVB, KOPV</small>	19	8	4	60%
Husticia <small>KPA, OC, DVR</small>	5	6	-	100%
Enseñansa <small>SKOA, DPS, SPCOA, BLP</small>	6	11	3	100%
Salubridad <small>HOH, Fysio, WGK, DVG, JGZ</small>	14	19	3	40%

Data te cu 25 di mei 2023

Presentacion di Codigo di Proteccion a sigui

E team di DMH a sigui duna algun presentacion y/of tayer chikito di Codigo di Proteccion, pero awor lo cuminsa traha mas di cerca cu e Supervisoran di Codigo di Proteccion, cu desde januari 2023 a haya un Decreto Ministerial (MB) y for di dia 15 februari 2023 nan a ricibi nan prome recapitacion (bijscholing), pa implementa nan rol di SdC mas activo dentro di nan instancia y LVAK a percura tambe pa ekipa nan cu mas conocimiento y/of habilidad pa haci esaki. E dia aki tabata un recapitacion organisa pa DMH conhuntamente cu LVAK di Hulanda.



DMH a ofrece algun workshop na e studiantenan di Universidad di Aruba di e ultimo año di estudio; Social Development, unda den un forma interactivo y 'hands on' a brinda nan e conocimiento y oportunidad pa cera conoci cu Codigo y con pa anda cu 5 pasonan, como futuro profesional.

3. Intervencion Trempan den Centro di Cuido di Mucha



E trayectoria social ta inicia

DMH ta finalisando tur e documento-/protocol- y procesonan fundamental y necesario pa e Centronan di Cuido di Mucha, p'asina nan por cuminsa traha structural y uniforme cu e pasonan diCodigo di Proteccion dentro di nan centro. Manera ya a indica, tin 108 centro di cuidado di mucha, cu a registra oficialmente na DMH y den e di 3 kwartaal di 2023, tur Centro di Cuido di Mucha na Aruba, lo tin nan protocol diCodigo di Proteccion como tambe e protocol di colaboracion cu Bureau Sostenemi, como nos AMK.

DMH ta sigui implementa eCodigo di Proteccion y awor ta cuminsa focus riba e organisacionnan social, manera e club- y asociacionnan deportivo como tambe e area grandi di scouting na Aruba.

Di e forma aki, DMH ta percursa p'eCodigo di Proteccion ta implementa den tur organizacion y tur organizacion por anda cu e 5 pasonan uniforme diCodigo di Proteccion.



E di dos rapport aki ta completamente detaya cu e resultadonan di e DAYC-2, cual tambe a entrega na tur e mayor(nan) di e grupo piloto, hunto cu un carta di referencia cu e evaluacion adicional cu e terapeuta di desaroyo; Anouk Eman, ta recomenda. Varios di e mayornan ya a hiba e carta di referencia aki na dokter di cas di nan yiu, p'asina haya un "verwijsbrief" pa e specialistanan recomenda. HAVA tambe ta forma parti di e trayectoria social y cu e carta aki, e muchanan por haya e ayudo y sosten profesional rekeri mas liher cu ta posibel.

Cu e mayornan na haltura y autorisacion, un rapport cu e resultatonan basico y relevante di e DAYC-2 tambe a wordo entrega na e centro di cuidado di mucha, cu ta forma parti di e proyecto piloto aki. Dependiendo di e resultado y si e mucha ta cualifica pa ricibi servicio di e terapeuta di desaroyo, e especialista lo bay traha un schedule pa brinda e mucha servicio individual na e centro di cuidado di mucha. DMH ta sumamente contento di a yega na e fase aki unda lo bay traha “hands-on’ cu e muchanan, a base di un plan individual. Mas cu claro, e mayornan ta hunga un rol sumamente importante den desaroyo y e proyecto aki, mirando cu nan tambe mester pone den practica algun actividad cu nan yiunan.

Plan individual a base di e resultado

Pa ta sigur cu tur e mayornan a compronde e siguiente paso, Anouk a brinda e oportunidad pa combersa personalmente tocante e resultado y splica e proximo pasonan cu ta recomenda pa nan yiu. Actualmente, Anouk ainda ta teniendo e reunionnan cu e mayornan, cu ta acercando su persona. E siguiente paso ta pa hunto cu e mayor(nan), ta bay e centro di cuidado di mucha pa schedule e servicio individual na e centro di cuidado di mucha.



E profesional di Intervencion Trempan hunto cu e trahadornan pedagogico lo bay crea un plan structura individual, basa riba cada mucha su edad y su necesidadnan, p’asina traha riba e metanan specifico di desaroyo na e centro di cuidado di mucha.


E terapeuta di desaroyo lo traha e actividadnan di wegá, cu ta diseña specialmente pa cada mucha, pa yud’e supera e reto(nan) cu e meta pa guia e trahado pedagogico mihor posibel, p’asina mehora su crecemento optimal den tur area di desaroyo.



5. Filmacion di DMH su video

Den luna di februari 2023 e team di DMH conhuntamente cu Lisa Helder y algun mucha, a traha un video cortico ken ta DMH. E video cortico aki ta introduci e 5 tareanan principal di DMH y ta e comienso di mas video cu lo sigui pa duna informacion tocante, vision, mision y hopi mas.

Despues cu DMH a traha e script, a scoge e muchanan y mester bisa, cu den apenas dos encuentro, a logra capta e shotnan necesario pa crea e video. Un bunita iniciativa y trabou den colaboracion cu Lisa Helder y Sebastiaan Kraaijkamp, cu no a duda pa duna nan aporte y FUTURA, cu mesora a coopera pa uza nan espacio pa e grabacion aki.



E muchanan cu a fungi como e artista ta: Neomar Landburg, Eddyson Landburg, Wenzell Frances Feliz, Wesciënnny Frances Feliz, Jea Liv Velazquez, Mckenzie Tromp, Zoë Orman, Milou Kraaijkamp bou guia di Lisa Helder, Jullie-Ann Thodé y Sebastiaan Kraaijkamp, cu a percura tambe pa hinca ful e video den otro. Por mira e video riba e pagina di Facebook di Departamento di Mucha y Hoben y asina aprecia e bunita presentacion di nos artistanan chikito.





SUE-ANN RAS



528 1245

- *Beleidsmedewerker Ministerio di Husticia y Asuntonan Social encarga cu maneho di DMH*



SURELLA CROEZE



528 1247

- *Beleidsmedewerker*
- *Supervisor di Codigo pa Centronan di Cuido di Mucha*



EFRAIM SUURENDONK



528 1271

- *Beleidsmedewerker*



JULLIE-ANN THODE



528 1189

- *Medewerker Beleid en projecten*



MIRTA LEON



528 1246

- *Toezichthouder Uitvoering Kinderopvang*



ANOUK EMAN



528 1246

- *Specialista Intervencion Trempan*



Belgiestraat 2, Oranjestad



info@dmh.aw



8.00AM - 4.00PM



www.dmh.aw